

## { شرح كود CSS }

خلينا نبص على عينة كود **CSS** ونتعرف عليها اكثر:

```
h1 {color:  red; font-size: 16px;}
```

دا شكل كود الـ **CSS**، ودايما بتلاقيه ببداً بالـ **selector**

والـ **selector** دا اللي هو الحاجة اللي عايزين نديها **style**

وفي مثالنا دا الـ **h1** هوا الـ **Selector**

وداخله بيبقى فيه الـ **properties** اللي بنحدد بيها الـ **style** بتاعنا

فبببقى عندنا **property** زي الصورة دي:

```
color:
```

وعندنا الـ **value** بتاعتها اللي هيا دي :

```
 red;
```

والاثنين مع بعض اسمهم **declaration** اللي معناه إعلان أو تصريح وبرضو بنقول عليهم

**style** زي الصورة دي :

```
color:  red;
```

وبعد كده مجموعة الـ **declarations** دي اللي جوة الأقواس { }  
بنقول عليها { **declaration block** } زي اللي في الصورة دي :

```
color:  red; font-size: 16px;
```

والـ **selector** مع الـ **declaration block** زي الصورة دي :

```
h1 {color:  red; font-size: 16px;}
```

بنقول عليهم **CSS rule**

وهو ده اللي بيتكون منه اي ملف **CSS**

بتلاقيه عبارة عن CSS rules كل rule بتدي استايل لـ **selector** معين في الموقع بتاعك.

---

والحمد لله رب العالمين.